



অবিলম্বে প্রকাশের উদ্দেশ্যে: 7/28/2023

গভর্নর ক্যাথি হোকল

আসক্তির চিকিৎসা এবং নিরাময়ের জন্য চলমান প্রচেষ্টার অংশ হিসেবে, গভর্নর হোকল নিউ ইয়র্ক স্টেটের ওপিওড সেটেলমেন্ট ফান্ডের জন্য নিউ ইয়র্ক স্টেট জুড়ে 22 মিলিয়ন মার্কিন ডলারেরও বেশি তহবিলের অনুদান ঘোষণা করেছেন

অনুদানসমূহ হলো নিউ ইয়র্ক স্টেটের ওপিওড সেটেলমেন্ট ফান্ডের মাধ্যমে দেওয়া সাম্প্রতিকতম সহায়তা

স্টেটের সমস্ত নিরাময় কেন্দ্রগুলোতে পরিষেবাগুলো সম্প্রসারি এবং উন্নত করার জন্য 12 মিলিয়ন মার্কিন ডলারেরও বেশি অনুদান

পিছিয়ে থাকা এবং উচ্চ-চাহিদাসম্পন্ন জনগোষ্ঠীর জন্য পরিষেবার পরিসর বাড়াতে সংযোগগুলোকে সহায়তা করার জন্য 6.6 মিলিয়ন মার্কিন ডলারের অনুদান।

উচ্চ-চাহিদাসম্পন্ন কাউন্টিতে প্রিভেনশন কোয়ালিশন স্থাপনের জন্য 3.9 মিলিয়ন মার্কিন ডলারেরও বেশি অনুদান

গভর্নর ক্যাথি হোকল আজ নিউ ইয়র্ক স্টেটে আসক্তি প্রতিরোধ, চিকিৎসা, ক্ষতি হ্রাস এবং নিরাময় পরিষেবাগুলোর পরিসর বিস্তৃতির জন্য 22 মিলিয়ন মার্কিন ডলারেরও বেশি অনুদান ঘোষণা করেছেন। এই অনুদানগুলো নিরাময় কেন্দ্রগুলোতে পরিষেবাগুলোর সম্প্রসারণকে সহায়তা করার পাশাপাশি অগ্রাধিকারপ্রাপ্ত জনসংখ্যার ব্যক্তিদের পরিষেবাগুলোর সাথে সংযুক্ত করার জন্য একটি নতুন "কানেকশন টু কেয়ার" উদ্যোগ এবং তাদের কমিউনিটিতে মাদকের ব্যবহার এবং প্রতিরোধে জোট গঠনের জন্য সেবাদানকারীদের অর্থায়ন নিশ্চিত করবে। এই তহবিল স্টেটের ওপিওড সেটেলমেন্ট ফান্ডের মাধ্যমে নিউ ইয়র্ক স্টেট অফিস অব অ্যাডিকশন সার্ভিসেস অ্যান্ড সাপোর্টস (New York State Office of Addiction Services and Supports) কর্তৃক প্রদান করা হচ্ছে।

"ওপিওড ও ওভারডোজ মহামারীটি অনেক বেশি নিউ ইয়র্কবাসীকে ক্ষতিগ্রস্ত করেছে এবং উৎপাদক ও সরবরাহকারীগণ যে ধ্বংসাত্মক ক্ষতি করেছে তার জন্য তাদেরকে দায়ী করার ক্ষেত্রে এই সেটেলমেন্ট ফান্ডটি আমাদের জন্য একটি বিশাল সুযোগ," **গভর্নর হোকল বলেন।** "আমরা সেটেলমেন্ট বোর্ডের সাথে কাজ চালিয়ে যাচ্ছি এই তহবিলটি সেই সমস্ত সংস্থা এবং সম্প্রদায়গুলোতে বিতরণ করার জন্য যাদের এটি সবচেয়ে বেশি প্রয়োজন, যাতে করে যারা

ওপিওডে আসক্তদের সহায়তা করতে এবং জীবন বাঁচাতে পারে তারা তাদের চলমান কাজ এগিয়ে নিতে পারে।”

নিউ ইয়র্ক স্টেট অফিস অব অ্যাডিকশন সার্ভিসেস অ্যান্ড সাপোর্টস কমিশনার ড. চিনাজো কানিংহ্যাম বলেন। “এটি জরুরি তহবিল যা নিউ ইয়র্ক স্টেট জুড়ে আসক্তি সেবার নিরবিচ্ছিন্ন ধারাবাহিকতা প্রদানের জন্য নতুন নতুন পরিষেবা প্রতিষ্ঠার পাশাপাশি বিদ্যমান পরিষেবাগুলোকে সম্প্রসারিত ও উন্নত করার সুযোগ নিশ্চিত করবে। OASAS-এ আমাদের লক্ষ্য হলো নিউ ইয়র্কবাসীদের তারা যেখানেই থাকেন বা তাদের যে স্তরের সাহায্যের প্রয়োজন হয় না কেন তা ব্যতিরেকে তাদের স্বাস্থ্যের উন্নতির জন্য প্রয়োজনীয় পরিষেবাগুলোর অ্যাক্সেস এবং সহায়তা নিশ্চিত করা।”

নিউ ইয়র্ক স্টেট অফিস অব মেন্টাল হেলথ কমিশনার ড. অ্যান সুলিভান বলেন, “আসক্তির চিকিৎসা ও প্রতিরোধে এই তহবিলটি জীবন বাঁচাতে পারবে পিছিয়ে থাকা কমিউনিটি এবং উচ্চ-চাহিদাসম্পন্ন ব্যক্তিদের অগ্রাধিকার দিয়ে, আমরা এটি নিশ্চিত সাহায্য করতে পারি যে যাদের এই পরিষেবাগুলোর সবচেয়ে বেশি প্রয়োজন তারা সেগুলোতে অ্যাক্সেস করতে সক্ষম হবে। এই পরিষেবাগুলো সমন্বিত, ব্যক্তি-কেন্দ্রিক সেবা প্রদান করবে যা প্রত্যেক ব্যক্তির প্রয়োজন এবং লক্ষ্য অর্জনে ফোকাস করবে।”

নিউ ইয়র্ক স্টেটের হেলথ কমিশনার ড. জেমস ম্যাকডোনাল্ড বলেন, “অনেক বেশি নিউ ইয়র্কবাসী এবং তাদের পরিবার, বন্ধুবান্ধব ও কমিউনিটিগুলো ওপিওড মহামারীর কারণে ক্ষতিগ্রস্ত হয়েছে যারা ওপিওড সেবনজনিত ব্যাধির সাথে লড়াই করেছে তাদের জন্য পরিষেবা নিশ্চিত এবং উন্নত করার জন্য এই তহবিলগুলোকে ব্যবহার করাটা সঠিক কাজ। প্রত্যেকের সহানুভূতিশীল যত্ন এবং জীবন রক্ষাকারী চিকিৎসার সমান অ্যাক্সেস রয়েছে যা নিরাময় এবং পুনঃজীবনধারণের পথ তৈরি করবে তা নিশ্চিত করতে আমরা গভর্নর হোকল এবং OASAS-এ আমাদের অংশীদারদের সাথে কাজ করা চালিয়ে যাব।”

রিকভারি কমিউনিটি অ্যান্ড আউটরিচ সেন্টার ফান্ডিং

নিরাময়ের আশায় থাকা ব্যক্তিদের সেবাদানে নিউ ইয়র্ক স্টেট জুড়ে বিদ্যমান রিকভারি কমিউনিটি অ্যান্ড আউটরিচ সেন্টারগুলো (Recovery Community and Outreach Centers)-এর কাজকে সহায়তা করার জন্য তাদেরকে 12 মিলিয়ন মার্কিন ডলারেরও বেশি অনুদান দেওয়া হচ্ছে। নিরাময় সেন্টারগুলো একটি কমিউনিটি-ভিত্তিক, নন-ক্লিনিক্যাল সেটিং ব্যবস্থা অফার করে যা সমগ্র কমিউনিটির জন্য নিরাপদ, স্বাগতপূর্ণ এবং অ্যালকোহল/মাদক-মুক্ত। সেন্টারগুলো দক্ষতা-অর্জন, বিনোদন, কর্মসংস্থানের প্রস্তুতি এবং একই ধরনের চ্যালেঞ্জের মধ্য দিয়ে যাওয়া সহকর্মীদের সাথে সংযোগ স্থাপনের সুযোগের মাধ্যমে দীর্ঘমেয়াদী পুনরুদ্ধারের সুযোগ নিশ্চিত করে। তারা এমন সব ব্যক্তি ও পরিবারগুলোকে স্বাস্থ্য, সুস্থতা এবং অন্যান্য গুরুত্বপূর্ণ সহায়তা প্রদান করে যারা মাদক সেবনের ব্যাধি থেকে নিরাময়ের চেষ্টা করছেন বা যারা নিরাময়ের তথ্য এবং উপায় খুঁজছেন।

535,000 মার্কিন ডলারের নিচে যেকোনো বার্ষিক বাজেটে পরিচালিত সমস্ত নিরাময় সেন্টারগুলোকে তাদের বাজেট দুই বছর মেয়াদে সেই পরিমাণে বাড়ানোর জন্য তহবিল

সরবরাহ করা হয়েছিল। অনুদান প্রাপ্তদের তালিকা এবং বার্ষিক তহবিলের পরিমাণের বিস্তারিত পাওয়া যাবে [এখানে](#)।

কানেকশন টু কেয়ার

পিছিয়ে পড়া এবং উচ্চ-চাহিদাসম্পন্ন জনগোষ্ঠীর যত্ন নেওয়ার সংযোগগুলোকে সহায়তা করতে 11 সেবাদানকারীকে মোট 6.6 মিলিয়ন মার্কিন ডলারের বার্ষিক তহবিল প্রদান করা হচ্ছে যা দীর্ঘমেয়াদী মাদকদ্রব্য ব্যবহারের ব্যাধি থেকে নিরাময় এবং সামগ্রিক স্বাস্থ্যাবস্থাকে সহায়তা করবে যার মধ্যে রয়েছে ক্ষতি হ্রাস, শারীরিক ও আচরণগত স্বাস্থ্য পরিষেবা এবং পরিবহনের সাথে সংযোগ, সহায়ক আবাসন কর্মসূচি ও আইনি পরিষেবা।

সেবাদানকারীগণ অনুদানপ্রাপ্ত তহবিল দিয়ে গর্ভবতী বা প্রসবোত্তর মহিলা; ক্রান্তিকালীন যুবক/যুবতী বা 18 থেকে 25 বছর বয়সী; 55 বা তার বেশি বয়সী ব্যক্তি; যাদের বিকাশজনিত প্রতিবন্ধিতা বা সম্ভাবনা রয়েছে, কারাগার থেকে কমিউনিটিতে ফিরে আসা ব্যক্তিবর্গ এবং যারা স্থিতিশীলতা ও শোধনমূলক পরিষেবা থেকে স্থানান্তরিত হচ্ছে সেই সকল জনসংখ্যার সাথে সংযোগ স্থাপনের জন্য কাজ করবে।

নিচে তালিকাভুক্ত সকল অনুদানপ্রাপ্তগণ তিন বছর মেয়াদে প্রতি বছর 200,000 মার্কিন ডলার পাচ্ছেন।

বয়স প্রাপ্তবয়স্ক বা 55 বা তার বেশি বয়সী ব্যক্তিবর্গ

- Argus Community Inc. (NYC ও লং আইল্যান্ড)
- Central Nassau Guidance and Counseling (লং আইল্যান্ড)

ক্রান্তিকালীন যুবক/যুবতী বা 18 থেকে 25 বছর বয়সী ব্যক্তি

- BestSelf Behavioral Health Inc. (ওয়েস্টার্ন NY)

বিকাশজনিত প্রতিবন্ধিতা বা সম্ভাবনা রয়েছে এমন ব্যক্তিবর্গ

- Catholic Charities Family & Community (ফিঙ্গার লেকস)

গর্ভবতী বা প্রসবোত্তর মহিলা

- Center for Comprehensive Health Practice (নিউ ইয়র্ক সিটি)
- National Association on Drug Abuse Problems NYS Inc (NADAP) (নিউ ইয়র্ক সিটি)
- Odyssey House Inc. (নিউ ইয়র্ক সিটি)

কারাগার থেকে কমিউনিটিতে ফিরে আসা ব্যক্তিবর্গ

- Community Health Action of Staten Island (নিউ ইয়র্ক সিটি)
- Osborne Treatment Services Inc. (নিউ ইয়র্ক সিটি)

স্থিতিশীলতা/শোধনমূলক পরিষেবাগুলো থেকে স্থানান্তরিত হওয়া ব্যক্তিবর্গ

- Council on Alcohol & Substance Abuse of Livingston County Inc. (CASA-Trinity) (ফিঙ্গার লেকস)
- Palladia Inc. (পিছিয়ে পড়াদের জন্য পরিষেবা) (নিউ ইয়র্ক সিটি)

কমিউনিটি প্রিভেনশন কোয়ালিশন: ফেন্টানাইল, ওপিওডস, Rx

কমিউনিটি প্রিভেনশন কোয়ালিশনের উন্নয়নে সহায়তা করার জন্য 3.9 মিলিয়ন মার্কিন ডলারেরও বেশি বার্ষিক তহবিল প্রদান করা হচ্ছে। বিশেষায়িত প্রমাণ-ভিত্তিক কৌশলগুলোর মাধ্যমে ফেন্টানাইল, ওপিওড এবং প্রেসক্রিপশন ড্রাগের অপব্যবহারকে মোকাবেলা করার জন্য ও ক্ষতি কমানোর পরিষেবার বিষয়ে সচেতনতা বাড়াতে কোয়ালিশনগুলো প্রস্তুত করা হবে। সম্ভাব্য উদ্যোগের উদাহরণগুলোর মধ্যে রয়েছে ওষুধের ধ্বংসাত্মক কিট এবং ওষুধের লক বক্সগুলো উচ্চ-চাহিদাসম্পন্ন জনগোষ্ঠীর মধ্যে বিতরণ এবং টেক ব্যাক ডে (Take Back days)-এর সূচনা বা প্রচারের পাশাপাশি তথ্য সরবরাহ করা এবং মাদকের ব্যবহার ও বিদ্যমান রিসোর্সগুলোর ঝুঁকি সম্পর্কে জনসাধারণকে সচেতন করা।

এই তহবিলটি কাঙ্ক্ষিত কাউন্টিগুলোকে আলোচিত পরিষেবাগুলো প্রদানের জন্য স্টেটে সর্বোচ্চ প্রয়োজন হিসেবে নির্ধারিত ছিল। প্রত্যেক সেবাদানকারী চার বছরের জন্য বার্ষিক ভিত্তিতে উল্লেখিত পরিমাণে তহবিল পাচ্ছে।

ডাচেস কাউন্টি

- Council on Addiction, Prevention, and Education of Dutchess County (CAPE) - 200,000 মার্কিন ডলার

গ্রিন কাউন্টি

- Columbia-Greene Addiction Coalition - 200,000 মার্কিন ডলার

সুলিভান কাউন্টি

- Cornell Cooperative Extension of Sullivan County - 200,000 মার্কিন ডলার

চৌতাকুয়া কাউন্টি

- Prevention Works - 200,000 মার্কিন ডলার

উলস্টার কাউন্টি

- Westchester-Ellenville Hospital, Inc - 178,419 মার্কিন ডলার

নিউ ইয়র্ক স্টেট অপিয়য়েড প্রস্তুতকারক এবং ফার্মাসিউটিক্যাল কোম্পানিগুলির সাথে বিভিন্ন বন্দোবস্তর চুক্তির মাধ্যমে 2 বিলিয়ন ডলারেরও বেশি পাচ্ছে যা অ্যাটর্নি জেনারেল লেটিশিয়া জেমস সুরক্ষিত করেছিলেন। এই বন্দোবস্তগুলি থেকে তহবিলের একটি অংশ সরাসরি পৌরসভাগুলিতে যাবে এবং বাকি অংশটি চলমান ওপিওড মহামারীর মোকাবেলায় প্রতিরোধ, চিকিৎসা, ক্ষতি হ্রাস এবং পুনরুদ্ধারের প্রচেষ্টাকে সমর্থন করার জন্য একটি উৎসর্গীকৃত তহবিলে জমা দেওয়া হবে।

এই নিবেদিত তহবিল যে আইন দ্বারা প্রতিষ্ঠিত হয়েছে সেই আইন আফিমজাত পণ্যের সেটেলমেন্ট তহবিলের পরামর্শদাতা বোর্ডও তৈরি করেছে, যেটির কাজ হচ্ছে সেটেলমেন্ট হিসেবে পাওয়া অর্থ যাদের প্রয়োজন রয়েছে তাদেরকে সবচেয়ে ভালোভাবে সেবা প্রদান করার জন্য কিভাবে ব্যবহার করা যায় সে ব্যাপারে পরামর্শ প্রদান করা। বোর্ডের সদস্যরা 1 নভেম্বর, 2022-এ ক্ষতি কমিয়ে আনার পরিষেবাসমূহ ও চিকিৎসাকে শীর্ষ অগ্রাধিকার হিসেবে শনাক্ত করে তাদের প্রথম সুপারিশ ইস্যু করেছেন।

নিউ ইয়র্ক স্টেট ওভারডোজ মহামারী সমাধান করার জন্য একটি আগ্রাসী, বহুমাত্রিক পথ বেছে নিয়েছে এবং পূর্ণ প্রতিরোধ, চিকিৎসা, ও নিরাময় সেবা এবং ক্ষতি কমানো সহ আসক্তি পরিচর্যার জন্য দেশের একটি শীর্ষস্থানীয় চিকিৎসার ধারাবাহিকতা তৈরি করেছে। স্টেট প্রথাগত সেবার প্রাপ্যতা সম্প্রসারণ করার জন্য কাজ করেছে, যার মধ্যে রয়েছে সঙ্কটকালীন সেবা, ইনপেশেন্ট, আউটপেশেন্ট ও আবাসিক চিকিৎসা কর্মসূচির পাশাপাশি আসক্তির চিকিৎসার জন্য ওষুধ এবং মোবাইল চিকিৎসা ও পরিবহন সেবাসমূহ।

গভর্নর হোকল নিউ ইয়র্ক স্টেট হেরোইন অ্যান্ড ওপিওড টাস্ক ফোর্স (NYS Heroin and Opioid Task Force) এর সদস্য ছিলেন যা 2016 সালে নতুন, প্রথাগত নয় এমন পরিষেবার সুপারিশ করে, যার মধ্যে ছিল নিরাময় কেন্দ্র, তরুণদের ক্লাবহাউস, সম্প্রসারিত পিয়ার পরিষেবা, চিকিৎসা উদ্ভাবনী কেন্দ্র, মাদক ব্যবহারকারীর স্বাস্থ্য এবং 24/7 খোলা থাকে এমন কেন্দ্র, যা তাৎক্ষণিক মূল্যায়ন এবং সেবাপ্রাপ্তির রেফারেল প্রদান করে। পরবর্তীতে এই সেবাগুলি স্টেটের বহু কমিউনিটিতে স্থাপন করা হয়েছে এবং মানুষকে তাদের আবাসস্থলের কাছেই প্রয়োজনীয় সেবা পেতে সহায়তা করেছে।

নিউ ইয়র্ক স্টেটের আসক্তির পরিষেবা এবং সহায়তার দপ্তর প্রতি বছর 731,000 জনের বেশি ব্যক্তিদের পরিষেবা প্রদান করে প্রায় 1,700টি প্রতিরোধ, চিকিৎসা এবং নিরাময়ের প্রোগ্রাম সহ দেশের বৃহত্তম পরিচর্যার মাদকের-ব্যবহার ব্যাধির ব্যবস্থার তত্ত্বাবধান করে। এর মধ্যে আসক্তি সংক্রান্ত 12টি চিকিৎসা কেন্দ্রে সরাসরি কার্যক্রম অন্তর্ভুক্ত রয়েছে, যেখানে আমাদের ডাক্তার, নার্স, ও ক্লিনিক্যাল কর্মীরা প্রতি বছর আনুমানিক 8,000 ব্যক্তিকে হাসপাতালে ভর্তি থাকা রোগীর ও আবাসিক সেবা প্রদান করে থাকে।

আসক্তির সমস্যায় ভোগা নিউ ইয়র্কবাসীগণ অথবা যাদের প্রিয়জন সমস্যায় ভুগছেন তারা স্টেটের টোল-ফ্রি, দিনরাত 24-ঘণ্টা সপ্তাহে 7-দিন খোলা থাকা হোপলাইনে 1-877-8-HOPENY (1-877-846-7369) নম্বরে ফোন করে অথবা HOPENY (শর্ট কোড 467369) লিখে টেক্সট পাঠিয়ে সাহায্য ও সহায়তা খুঁজে নিতে পারেন।

আসক্তি সংক্রান্ত বিদ্যমান চিকিৎসা, যেমন- ক্রাইসিস/ডিটক্স, হাসপাতালে ভর্তি হওয়া, রেসিডেনশিয়াল বা বহির্বিভাগের রোগীদের সেবা, ইত্যাদি NYS OASAS চিকিৎসার লভ্যতা সংক্রান্ত ড্যাশবোর্ড ব্যবহার করে খুঁজে নেওয়া যাবে যা FindAddictionTreatment.ny.gov ওয়েবসাইটে গিয়ে অথবা NYS OASAS ওয়েবসাইটের মাধ্যমে পাওয়া যাবে।

যদি আপনি অথবা আপনার কোনো প্রিয়জন চিকিৎসার জন্য বিমা সংক্রান্ত সমস্যার সম্মুখীন হন অথবা কোনো প্রত্যাহ্যাত দাবির জন্য আপিল জমা দেওয়ার ক্ষেত্রে সাহায্যের প্রয়োজন হয় তাহলে 888-614-5400 নম্বরে ফোন করে অথবা ombuds@oasas.ny.gov ঠিকানায় ইমেইল করে CHAMP হটলাইনে যোগাযোগ করুন।

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)